

پازار ایرتسی فی ۱۰ جمادی الآخر ۱۳۳۰

وفی ۱۴ مایس ۱۳۳۱ سنه

|| جمعیت علمیة اسلامیہ نك ناشر افکاریدر ||

صاحب امتیاز :	سر محرر :	مدیر مسئول
فاتح مجیزدرساعلمارندن	فاتح مجیز درساعلمارندن	مکتب قضاء معلمارندن
نصوح افندی زاده	توقالدی	کلیسی
مصطفی عاصم	مصطفی صبری	منیر

مندرجات

مدنیة شرعیہ	محمد عاطف	قسم ادبی
علمانك موقعی	ح . حسین	شیخ سنوسینك بیوکلکی
فاسده تبدل سلطنت خبرلری	ابن الرحی	ادبی حقیقتلر :
صانع حقیقی	ابراهم لطفی	قصیده نبوی
تیارولرك اخلاقه تأثیری	علی رضا	لوحه طبعیت
قسم تاریخی	طاهر المولوی	متفرقه
شام فتوحاتی	ابن الرحی	مسابقه من
هند سلطنت ماضیه سی		

اعلان

نسخه سی ۱ غروش

آبونه اجرتی (بوسته اجر نیله برابردر)

ممالك اجنبیه ایچون :
۱۳,۰۰ فرانق
» ۶,۵۰

استانبول وولایات ایچون :
ر سنه لکی ۵۰ غروش
آتی ایلفی ۲۵ »

درج اولن بیان اوراق اعاده ایدلمز

قارئلر مزه

اکثر مقالاته آیات کریمه واحادیث نبویه درج ایدلش بولندیفی نظرا عنباره آلنه رق رعایت سزلیکده بولنا ادا سی رجاولتور .

[توسیع طباعت] محمد حلمی وشرکاسی عدلیه خانی نومرو ۱۹



پازار ایرتسی کونلری نشر اولنور دینی، ادبی، سیاسی و فنی هفته لوق غزته در

مدنیت شرعیه، ترقیات دینه

مابعد

۵

قانون آهینک تبعه ایچون

تعین ایلدیکی وظائف خصوصیه

تبعه وافرادلر حیاتلری و قایه لری. عرض و ناموسلری
محافظه لری. اموال و حقوقلریک تعرضات ظلمه دن خلاصی،
وطنلریک امدیات اعداددن تخلیصی، دین و مذهبلری
سربست اوله رق اجرالری، علوم و معارف. صنایع، تجارت.
زراعتده ترقیلری و هر کونا سیمادات حال و صلاحلری
حکومتک و اولیای امورک بالاده عرض اولزان وظائف
مشروعهلری ایضالریله تحت تأمین آلمش اولور.

حالبوکه اولیای امور و حکومتک وظائف مذکورده
لری لایق وجهه ایضا ایدیه یلملری آنجق تبعه نک حکومت

قار و بروجه آتی وظائف مشروعهلری ایضالریله ممکن
اوله یلور. ایشته بونک ایچوندرکه قانون آهینی تبعه یک
مهم وظائف تکلیف ایلوب حسن ایفاسیله امر ایلور.
اجله علمای اسلامیهدن (ابوالحسن محمد السهروردی
البغدادی) حضرتلری (تحریر الاحکام فی تدبیر اهل الاسلام)
نام کتاب عالیسند دیسورکه: (قانون آهینک و شرع
شریفک حکومت قارشی تبعه وافرادلر اوزرینه تحمیل ایلدیکی
(وظائف) دخی اولندر.

برنجی وظیفه

تابعیت حکومتی قبول ایتکله تبعه نک حکومت قارشی
درعهده ایلدکلی وظایفدن برنجیسی (معصیت اولیان
امورده اولیای امور و حکومت اطاعت و انقیاددر).
اهالینک اولی الامر و حکومت اطاعتلری شرعاً واجبدر.

سزده بکا اطاعت ایدیکز . و الله تعالی به ، رسولنه عصیان ایدیکم زمان بکا اطاعت ایتک اوزریکزه لازم دکادر . شو حالده سزده بکا اطاعت ایتیکز . حضرت صدیقک خلیفه نصب اولدیفی زمان ناسه قارشو ایراد ایدیک شو خطبه شریفه می :

ورده امام ابی یوسفک کتاب الحراجنده مذکور اولدیفی وجهله : برکون حضرت فاروقه برکیمسه کلوب مکرر آد : که (اتق الله عامر) یا عمر الله عظیم الشانن قورق . حاضر وندن برینک (صوص امیر المؤمنینه جوق سوبلدک) دیمی اوزرینه (حضرت فاروق) بیورمشلردرکه : (سن او آدمی براق سوبلسون . اگر آنلر یعنی تبعه بو سوزی بزه سوبلزرسه آنلرده خیر یوقدر) . واکر بزه یعنی اولیای امور وارکان حکومتده او کلامی قبول واصفا ایتز ایسهک بزه دخی خیر یوقدر) . حضرت فاروقک ایشته بوکلام عالیلری تبعه اولیای امورک و مأمورین حکومت مافوقک (شرع شریفه مخالف . معصیت و ظلم اولان او امرینه انقیاد و اطاعت اصلاً جائز اولیوب قطعياً حرام اولدیفنه دلالت ایتدیکلری کبی اولیای امورک امور ملتده برخطسا و قصوری و اظلم و خیاتی و وقوع بولورسه درحال تبعهک آنلری ، اخطار و ارشاد ، منع و مؤاخذه ایتک اوزره شرعاً حق و صلاحیتلری اولدیفنه غایت واضح صورتده کوستر . مکده درلر . ایشته حاکمیت ملیه ! ...

بو مقامده حاکمیت ملیه به دأربک مهم قواعد شرعی ، وار ایسهده شمیدیک درجندن صرف نظر ایدیورز . ایشته مجلس مبعوتانک وظیفه شرعیله ری بودیمکدر .

علماء اسلامیه دن (طریقت محمدیه شارحی خادمی) حضرتلری دیبورکه : (امام و خلیفه مصلحت امت و منفعت ملت ایچون مباح اولان برشی ایله امر ایلرسه بو بایده کی کافه اوامر خلیفه به انقیاد و اطاعت ایتک بالعموم تبعه اوزرینه واجب اولور . مثلاً بازیددن فاتحه قدر یول یا بلسی خلیفه طرفندن امر اولسه کرک اشراف و کرک آحاد ناس

چونکه جناب حق (سورة نسا) نك الی یدئخی آیت جلیله سنده بیورمشلردرکه : (یا ایها الذین آمنوا اطیعوا الله و اطیعوا الرسول واولی الامر منکم = ای مؤمنار الله تعالی ، رسول اکرمه و سزدن حق و عدل اوزره اولان خلفا . امرأ ، قضائنه اطاعت ایدیکز) .

و حضرت پیغمبر ذیشان افدمن بیورمشلردرکه : (اوصیکم بتقوی الله و السمع و الطاعة و ان کان عبد احبشیا = ای اتم جناب حقدن اتقا و امرأ که ه الامت و انقیاد ایله سزه وصیت و امر ایدیورم . امیز ووالیکز عید حبشی بیله اولسه اکا اطاعت اوزریکزه واجبدر) . کرک بوایت جلیله و کرک حدیث شریف ایله شرع شریف اولی الامر و حکومتک معصیت اولمیان هر امرینه اطاعت و انقیادی تبعه اوزرینه واجب قیلهرق اهالی ایله حکومت آرمسنده اتحاد و ارتباط تأسیس ایلش اولبور .

(لا طاعة للخلق عند معصية الخالق = خالق تعالی به عصیان ایلوبده مخلوقه اطاعت و انقیادده بولمق قطعياً جائز دکادر) . حدیث شریفه (اما بعد ایها الناس فانی قد ولیت لکم و لست بخیمرکم فان احسنت فاعینونی و ان اسأت فقومونی الصدق امانة و الکذب خیانة و الضعیف فیکم قوی عندی حتی ارشح علیه حقه ان شاء الله و القوی فیکم ضعیف حتی آخذ الخلق منه ان شاء الله اطیعونی ما دامت الله و رسوله و اذا عصیت الله و رسوله فلا طاعة لی علیکم = ای ناس سزک خیرایکز اولمدیغ حالده اوزریکزه خلیفه و امام مصب ا لندم : اگر حسن معامله ایدر و کوزل خدمتده بولتورایسم بکا اعانه و نصرت ایدیکز . واکر اسأت و ظلم ایدرسم بی ارشاد ایدرک طوغر و لتکز . صدق امانتدر . کذب خیانتدر .

ایچکزده که ضعفا و فقرانک حققی آلوب و یرمدیکه آنلر بنم عندمده قوی درلر . اقویاکر دخی آنلردن مظلومک حققی آمدیقه بنم یانمده ضعیف درلر .

بن الله ذوالجلاله . رسول اکرمه اطاعت ایتدیکه

علمائک موقع سیاسی

۳

مقالات متقدمه مزده قلممک احاطه ایدہ بیلدی قدر علمای اسلامک مجبورت مستعجلہ سیاسیه و علمیه سندن بحث ایتشدک بورادہ ایسہ او وظائف عالیہ نک نہ صلاحیت ایلہ و ناصل ایفا ایدیلہ بیلہ جکی سونیک ایسترز .

منافع شخصیه سنک احتال زوالی قارشیسندہ تیرہین بعض ارباب احتراض و اغراض علمای اسلامک سیاست ملیہ بہ قارشامی مصیب اولدینی ادعای خامی کمال جرأتہ و مصرأ واورمقدن چکنیمورلر . بونک قدر حقسز بر سوز اولاماز .

افراد ملتک حائر اولدینی حقوق سیاسیه علمای اسلامک مالک و آئی استعمالہ صلاحیتدار اولماسنی هانکی عقل ایدہ بیلیر ؟ بوکا قائل اولقی منطقسز افک ال غریب بر کوسترمکدر .

فی الحقیقه سیاست دینک احتراضات ، تزویرات ، بالائیلقی ، اخلاقسزک دینک ایسہ علمائک بو مقولہ چرکاب رزائلدن دامن کشای عصمت اولسنی پک شدتہ آرزو ایدرز . و سواد ظلم و اعتسافی بیضاء عدالت شکندہ کوسترمک ایمچون ارباب تغلبک یدندہ علمائک بازیمجہ شعبده اولماسنی ایستہ میز . علما قیافتندہ ارباب تبصص و مداهنه نک تاریخ عنایمزدہ جوچه امتالنه تصادفی اولنان و ناصیه عار و حجابی قیزارته حق درجده اولان مسخره لقلرندن ، دالقا و قلقلرندن علمائک مزہ قالسنی منی ایدرز .

فقط ؛ بز : استحقاق منفعت اوزرینه مؤسس ، فضیلتہ اخلاقہ مقرون بوتون عزت و زہایتیہ برسیاست اسلامیه نک قابلیت انکشافہ قائل وقانیز . سلطان سلیم اول کی بر بادشاه شدت بناهہ بیلہ « بادشاهم ذره قدر مخالف شرع شریف حرکتہ مطلع اولورسم خلعتہ فتوی ویریم » قول متجلدانہ سیہ رهگذار شاهانہ یه چیقان و بوصورتلہ اخلافہ بر نمونہ فضیلت و شجاعت سیاسیه ابراز ایلان

اولسون . و کرک بیوک ، کرک کوچک اولسون مرهانی کیسمه یه امر ایلش ایسہ اوکیسمه نک بوا مره امتثال ایتچی شرعأ واجبدر . امتثال ایتدیکی تقدیرده آتم و کناھکار اولور . فقط خلیفه نک مباح اولان برشیدن منی ایتسیلہ اوشی منی اولاماز . چونکہ جناب حق سورہ تحریمده بیورمشلردرک : (یا ایها النبی لم تحرم ما حلال الله لك = ای نبی الله تعالی نک سکا حلال قیلدینی شیئی نیچون کندیکہ حرام قیلورسک) . بو آیت جلدیه نک تفسیرنده مفسرین کرامدن (ابوانبرکات عبداللہ النسی) حضرتلری (مدارک انتزیل و حقائق التأویل) نام تفسیر عالیںده دیورک (جناب حقک حلال و مباح قیلدینی برشین هیچ برکیسمه حرام قیلماز) ، بناء علیہ مثلاً شارع تعالی حضرتلری طرفندن مشروع و حلال و مباح قیلنش اولان تعدد زوجہ خلیفه نک منی ایتسیلہ قطعاً منی اولماز .

بالادہ عرض اولنان ادله و براہین شرعیہ دن مستبان اولیورک : شرع شریف اولیای امورہ و بالخاصہ خلیفه یه قوانین و حدود شرعیہ دائرہ سنده غایت واسع بر حق و صلاحیت و برمشدرک اودائرہ داخلندہ حرکتلرندن ملتک آنلری منہ اصلا حق یوقدر .

فقط حدود و قوانین شرعیہ دن و لوجزیمجہ اولسون براز انحراف و تجاوز ایلدکاری کوریلورسہ هان اولاً اخطار و ارشاد ؛ ثانیاً منع و مؤاخذه ثالثاً مسئول و محکوم قیامق اوزرہ طرف شریعتدن ملته صوک درجہ کنیش مقیاسده برحق و صلاحیت و برمشدر .

ایستہ بوصورتلہ شرع شریف حکومتلہ ملت آرہسندہ متوازن قوا وضع ایلہرک حکومتک حقوق ملته ، ملتک حقوق حکومتہ تجاوزنی منع و سد ایلش اولیور .

مابعدی وار

اسکایی

محمد عاطف